



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1752. usque ad
Annum 1757 - Cum Appendice ad Annos 1744. 1745. 1748

Luxemburgi, 1758

LXX. Confirmatur Decretum Congregationis Sanctæ Romanæ Ecclesiæ
Cardinalium universalii adversus hæreticam pravitatem Inquisitioni
Præpositorum, coram Sanctitate Sua habitæ, pro tollendis, ...

[urn:nbn:de:hbz:466:1-74789](#)

gregations, & quosvis alios quacumque præminentia, & potestate fungentes, & functueros, judicari, & definiri debere: ac irritum, & inane, quidquid fecis super his a quoquam quavis auctoritate scienter, vel ignoranter contigerit attentari. Non obstantibus præmissis, & quibusvis aliis Constitutionibus, & Ordinationibus Apostolicis, & quibuscumque Decretis in genere, vel in specie, aut alias in contrarium præmissorum quomodolibet concessis, confirmatis, & innovatis, cæterisque contrariis quibuscumque.

Sumptuum
fides.

S. 7. Volumus autem, ut earundem præsentium Literarum transumptis, seu exemplis, etiam impressis, manu Præfecti, & Secretarii præfate Congregationis subscriptis, & sigillo ejusdem Congregationis manutis, eadem prorsus fides habeatur, quæ ipsis presentibus habetur, si forent exhibite vel ostense.

Dat. die 18.
Januar. 1757.
Pontificatus
XVII.

Datum Romæ apud Sanctam Mariam Majorem sub Anulo Piscatoris die 18. Januarii MDCCCLVII. Pontificatus Nostri anno decimo-septimo.

Cajetanus Amatus.

LXX.

Confirmatur Decretum Congregationis Sanctae Romanæ Ecclesiæ Cardinalium universali adversus hæreticam pravitatem Inquisitionis Praepositorum, coram Sanctitate Sua habite, pro tollendis concilandiisque diffidiis & controversiis, inter nonnullos Antistites Indiarum Occidentalium, & Missionarios Societatis Jesu, exortis, super concessione Dispensationum Matrimonialium, juxta facultates ab Apostolica Sede utrisque concedi solitas.

BENEDICTUS PAPA XIV.

Ad futuram rei memoriam.

Catholici
Regis studiū
pro tollendis
diffidiis inter
Missionarios
Soc. Jesu, &
Ordinarios
locorum in
Indiis circa
dispensatio-
nes, quod
impedimenta
Matrimo-
nii, excitata.

Libentissime a Pontifice
præstata
ad hoc negotiū
opera,
coacta coram
Cong. Cardi-
nalium S.
Officii.

Cum Venerabilis Frater Noster Joachimus Sanctæ Romanæ Ecclesiæ Cardinalis Portocarrero nuncupatus Episcopus Sabinensis, nomine Carissimi in Christo Filii Nostri Ferdinandi Hispaniarum Regis Catholici, cuius regis negotiis apud Nos & Apostolicam Sedem agendis præfæctus, Nobis exposuerit, oboris quibusdam dubiis circa facultates concedendi Dispensationes Matrimoniales, quibus Dilecti Filii Presbyteri Societatis Jesu, Missionarii per Indias Orientales & Occidentales constituti, ex Apostolice Sedis Indultis gaudere dicuntur, & circa hujusmodi facultatum usum & exercitum; ad removendas diffensiones inter eosdem Presbyteros Missionarios, & Ordinarios locorum, sedansque conscientiarum & animorum motus, Nostram ejusdemque Apostolice Sedis definitionem magnopere exoptari; cumque, præter urgens pastoralis cura & sollicitudinis debitum, quo ad hujus præfertim generis officia impellimus, gratissimum Nobis accidat justis semper & æquis præfati Catholici Regis votis obsecundare; flatim propriae materie discussione demandavimus Congregationi Venerabilium Fratrum Nostrorum S. R. E. Cardinalium, in rebus Fidei, aliquique Sancti Officii nuncupati negotiis Generalium Inquisitorum; haud tamen propter refugientes laborem studiumque singula per Nos ipsos inspiciendi atque discutiendi. Itaque coacta coram Nobis die 29. Julii elapsi anni 1756. prædictorum Cardinalium Congregatione, auditis etiam prius Confultoribus, tum Sacrae Theologie Magistris, tum Canonici Juris Peritis,

captæ editæque fuerunt sequentes resolutiones, distinctim expresse in infra scripto Decreto, quod ipsis jam tum approbavimus & confirmavimus, cujusque tenor talis est, videlicet.

Hac editum
ab ea decre-
tum.

DECRETUM.

Cum olim R. P. Ignatius de Padilla, quo tempore Civitati Sancti Dominici in Insula Hispaniola Indiarum Occidentalium prærerat Archiepiscopus, complures excitasset controversias aduersus Presbyteros Societatis Jesu, circa Dispensationes Matrimoniales, quibus nimis ipsis, in vim specialium facultatum sibi, ut afferabant, competentium, cum Neophytes Indiarum Orientalium & Occidentalium, super impedimenta Matrimonii dirimiribus, & antea dispensaverant, & adhuc dispensare pergebant; cumque subinde R. P. Joseph Moreno Curiel, qui, postquam præfatus R. P. Ignatius ad Ecclesiam Jucatanensem in Indiis Occidentalibus Hispanicis sitam translatus fuit, eidem in Archiepiscopatu Sancti Dominici successit, illius actionem ea de re studiunque proficuitus fuerit; ut hujusmodi controversias quantocius finis imponatur, infra scripta dubia proposita, discussa, & direpta sunt a Santissimo N. D. BENEDICTO PP. XIV. feliciter regnante, audita prius sententia & consilio Reverendissimorum DD. Cardinalium Generalium Inquisitorum in Congregatione coram Sanctitate Sua habita die 29. Julii anni 1756.

Dubia autem proposita sunt, quæ sequuntur: Primus, an facultates in Apostolicis Brevibus concessæ Presbyteris Societatis Jesu, qui Missionariorum monas per Indias exercent, atque illæ possitissimum, quæ Matrimoniales Dispensationes respiciunt, ad eas Provincias protendantur & loca, que pluribus abhinc annis ad Sanctam Catholicam Religionem redacta sunt, in quibus reperiuntur Infideles aliquando profecti, & ultro Christi Fidei amplexi; adeo ut Missionarii operam studiunque suum impendant, non quidem in iis ad Sanctam Religionem converteridis, sed tantummodo in iis Christianæ Doctrine institutionibus, rectisque moribus informandis.

Secundum: quatenus memoratae facultates ad hujusmodi Regiones protendantur, ac præterim facultas concedendi Dispensationes quoad prædictorum Matrimonii exerceri valeat; an id ita accipendum sit, ut concessa dicatur auctoritas dispensandi super impedimentis publicis pro foro externo, tum ante, tum post contractum Matrimonium.

Tertium: an posita extensio facultatum ad publica quoque impedimenta pro foro externo, & in casibus contrahendi, æque ac jam contracti, Matrimonii, hujusmodi facultatibus uti possint Missionarii per ea loca, in quibus Episcopos Diœcesanos eisdem obtinet facultates fibi ab Apostolica Sede peculiaribus Indultis concessas.

Quartum: et si possint Missionarii Dispensationes concedere, siisque uti facultatibus etiam pro foro externo, an tamen id ipsis præstare licet sine prævia summaria Informatione, coram Notario, locisque Vicario capta, ad comprobandas dispensationis causas, & impedimentorum qualitates; an potius satius ad id habenda sit verbalis & extrajudicialis instruclio seu informatio.

Quintum: an, quatenus hujusmodi facultates concessæ tantummodo dignoscantur Missionaris ad laborantibus pro conversione Infidelium, & non aliis; revalidanda sint Matrimonia celebrata in vim dispensationum, quas pro exteriori foro inducissent Missionari illi, qui in tradendis Fidei rutiumentis, informandisque moribus solummodo exercentur.

Occasio
obortæ con-
troverbie re-
cenetur.

Dubia pro-
posita in
Congreg.

1757.

Nonnulla ad
rectam du-
biorum reso-
lutionem ex-
pendenda
præmittuntur.

Priusquam vero ad propositorum dubiorum decisionem procedatur, summatim recensenda sunt ea, quæ pertinent ad facultates, quæ Presbyteris & Societate Jesu Missionariis, cum pro Orientalibus, tum pro Occidentalibus Indiis, peculiaribus Apostolicis Brevibus tribuantur; exinde enim pendet iusta dubiorum resolutio. Utque res ordine procedat, primo exponetur summa memoratarum facultatum, quoad impedimenta Matrimonii; deinde expendetur concessum jus ipsis facultatibus utendi, tam in interiori, quam in exteriori foro; tertio indicabuntur personæ, cum quibus dispensare possunt Missionarii; quarto recensentur loca, in quibus integrum ipsis est præfatis facultatibus uti; quinto denique attingentur quæcumque ad rectum dispensationum usum conferre possunt; atque hæc omnia desumentur ex concessionum Brevibus, a superioribus Romanis Pontificibus, atque etiam a Sanctissimo Domino Nostro feliciter regnante expeditis.

Et primo,
quæ vis ini-
facultatibus
dispensi-
fandi
Missionariis
Soc. Jesu.

*Qualis esse
debet ea-
rum usus
quoad inter-
num exter-
numque fo-
rum.*

*Cum qui-
bus personis
dispensi-
fandi
possint.*

Ducto itaque initio, juxta præstitutam methodum, ab ipsa vi atque substantia facultatum quoad impedimenta Matrimonii concessiarum; quum olim facultas amplissime protenderet ad omnia impedimenta, sive gradus, non vetitos jure Divino, ea in subsequentibus Pontificiis Brevibus nonnihil cohibita suffe dignoscitur: prohibentur namque modo Missionarii dispensare in primo Consanguinitatis vel Affinitatis gradu (A): excepto tantum primo gradu, etiam recta linea, affinitatis, ex illicita tamen copula resultantis (B). Atque hæc quidem omnia, ad hoc ut Fideles Matrimonium interfere contrahere, seu in eo etiam scienter contradicere remanere possint (C): Quibus verbis tam inita, quam ineunda Matrimonia comprehenduntur.

Proximum est, ut de prefatarum facultatum usu, quoad internum externumque forum videatur. Licet autem facultates in prioribus indultis concessæ, ad forum conscientiae refractæ essent, in posterioribus tamen concessionibus ad externum quoque forum ampliate consciuntur; et tamen lege adjecta, ut quibus in locis reperiuntur Ordinarii eisdem habentes facultates, ab Apostolica Sede fibi de more concessas, vel absunt ducentis faltem paucum milibus, nequeant Societas Missionarii suis uti facultatibus pro foro externo. Ordinariis etenim reservata est privativa facultas dispensandi in exteriori, seu judiciali foro; neque datum est Missionariis, ut dispensationes ejusmodi indulgere, concessisque fibi pro foro externo facultatibus uti valeant, præterquam in iis locis, in quibus nulli acfiunt Ordinarii, Episcopi nimis, seu eorum Vicarii; vel, si qui existunt, ultra duas dietas, non minus ducentis paucum milibus inde absunt; aut si præsentes adfiunt, vel parum distant, non tamen a Sede Apostolica impetrarunt facultati dispensandi indulta, quæ Patribus Missionariis concessa reperiuntur (D). Ad forum porro conscientiae tantum semper cohibita appetit tributa facultas dispensandi in primo gradu recta linea affinitatis ex copula illicita resultantis, super quo impedimento dispensare permituntur in occultis, & in foro conscientia tantum, ac urgentibus justis causis (E).

Hinc transeundo ad personas, cum quibus Missionarii, sive pro conscientiae, sive pro judiciali foro, iuxta præmissa, dispensare possunt; Neophyti quidem hi sunt. Neophytorum autem appellatione, secundum editas & a Summis Pontificibus approbatas resolutiones, non solum intelliguntur ii, qui paulo ante Baptismum suscepserunt, sed etiam eorum filii, quamvis in infancia baptizati fuerint; ac insuper ii, qui ex Indo Neophyto, & ex Muliere Europea, vel ex Europeo Viro, & Indica Muliere sunt

progeniti, ideoque mixti, seu *miftitii* vocitantur. Atque haec sunt omnino personæ, cum quibus dispensare possunt Missionarii (F): interdicta ipsis quacumque facultate dispensandi cum *Quarteronibus* & cum *Pucellibus*; cum iis nimis, qui vel pro una tantum parte ducunt originem ab Indis Neophytis, ideoque dicuntur *Quarterones*; vel per Proavum, aut Proaviam dumtaxat ab Indis Neophytis trahunt originem, præindeque *Pucelles* appellantur; quum hi Neophytorum nomine seu appellatione contineri non possint, ac conseqüenter nequeant Missionarii cum illis, sive in foro conscientiae, sive in foro judiciali, super Matrimonii impedimentis dispensare: Eorum enim facultas cohibita est ad Neophytes; quorum nomine veniunt tantummodo ii, qui fuerunt sive designati (G).

Quod spectat ad loca, in quibus Missionarii præfatis dispensandi facultatibus, ut supra, uti possunt, sat perspicue res est, quum Indulta ipsis concessa, utriusque, Orientalis Nempe, & Occidentalis, Indie partes, seu Provincias, aliasque Maris Oceani Regiones, diferte complectantur (H).

Quare nil aliud reliquum est, quam ut ea tradantur, que ad rectam probatumque Dispensationum usum conferre possunt. In quo sane, præter exactam observationem eorum, que superius adnotata sunt, due potissimum generales regulæ servari debent: prima nimis, ut in omni Dispensatione iusta adfit illius concedende causa; altera, ut tunc etiam, quum pro exteriori foro conceditur Dispensatio, nihil plane recipiat, sed omnia gratis fiat (I). Quamvis autem in Brevibus facultatibus, quæ olim tradi solebant Episcopis & Ordinariis præfatarum Regionum; pro Dispensationibus super impedimentis Matrimonialibus in foro interno externoque concedendis, injunctum iis legetur, ut in Dispensationibus pro foro externo indulgendas, Missionariorum consilium exquirerent, quoties hi tam longe non abessent, ut id sine magno incommodo præstari non posset: cum tamen Episcopi subinde petiissent se levare hoc onere, quod etsi alias poterat opportunum videri, nunc quidem temporis nonnulli ad serendas discordias aptum dignociebatur; ut omnis diffidiorum & offendionum inter Ordinarios locorum, & Missionarios occasio submoveretur, plena libertas iisdem Ordinariis relicta est dispensandi etiam in foro externo, sublatu penitus onere memoratum antea consilium requirendi (K).

Præterea cum Episcoporum arbitrio concreta reperiatur facultas subdelegandi idoneos probatosque Sacerdotes, qui pro ipsis Episcopis subdelegantibus, in remotioribus Diœcesim locis, Dispensationes concedant pro exteriori seu judiciali foro (L); ad confiendam eo magis inter Episcopos & Missionarios animorum confensionem, statutum est, ut, si pro iis locis nulli deputati reperiuntur Vicarii, vel absint spatio ducentorum milliariorum, non possint ab Episcopis alii subdelegari Sacerdotes, quam qui ab Apostolica Sede habent dispensandi facultatem; hi autem soli confieverunt esse Missionarii.

Denique ad rectum usum facultatum dispensandi, adnotasse juvabit, facultatem dispensandi in foro conscientiae perpetuo concessam esse; eam vero, quæ ad fortum judiciale spectat, intra viginti annorum curriculum esse cohibitam (M). Cumque juxta receptam praxim, soleat hujuscem faciliatis confirmatio indulgeri, omnino necesse est, ut Missionarii hac in re fibi provide consulant, non redigentes ad suprema propemodum statuti termini momenta cogitationem & curam petendæ confirmatio;

*Loca, in
quibus dis-
pensi-
fandi fa-
cultate uti
possum.*

*Justa debet
subfille cau-
sa dispensatio-
nibus, & om-
nia gratis ex-
pedienda.*

*Ordinarii
locorum in
dispensa-
tionibus conce-
dendis non
tenentur.
Missionario-
rum consilium
exquirere.*

*In quo casu
tenentur E-
pis-
copi fib-
delegare Mil-
lionarios, pro
elargi-
dispen-
sationibus.*

*Quamdiu
factitas dis-
pensi-
fandi in
Missionarii
duret.*

tionis; ne periculum subeant, vel nullitatis actus, si quid efficiant post elapsum facultatum terminum, vel fraudandi pauperes Christifideles opportunitis malorum remedii, quatenus eo devenant, ut hujusmodi facultatibus amplius tibi non valeant. Hęc sunt, quae in Apostolicis Constitutionibus San. Mem. Pii IV. Pont. Max. aliorumque ipsius Successorum, & in Pontificis Brevis Clementis IX. Alexandri VIII. Clementis XI. Clementis XII., & Sanctissimi Domini Nostri BENEDICTI XIV. feliciter Regnantis, continentur; quibusque, ut par est, observatis ac respetive perpenſis, non solum omnes submovent controversiae, verum etiam facilis evadit & obvia responſio ad Dubia, quae ad Sacram Congregationem examinanda ac dirimenda transmisſa fuerunt.

Primo itaque Dubio, quo queritur, an facultates concessae Presbyteris Societatis Iesu Missionariorum munus per Indias obeuntibus, & nominatum illę, quae Dispensations Matrimoniales respiciunt, ad ea protendant loca & provincias, in quibus non alii reperientur Infideles, quam qui aliunde venerunt, Christique fidem ultra amplexi sunt; affirmativum redditur responſum, ad formam tamen Brevium, & Constitutionum Apostolicarum, quae superius indicatae fuerunt.

Secundo itidem Dubio, quo queritur, an quantum facultates ad memorata quoque loca protendantur, eadem comprehendant Dispensations Matrimoniales super impedimentis publicis, pro foro externo, tam ante, quam post contractum Matrimonium, concedendas; affirmative respondet, juxta tamen disposita in Apostolicis Brevis superioris indicatis.

Tertio Dubio, quo exquiritur, an Missionarii praefatis facultatibus uti possint in iis locis, in quibus Dioceſiani Episcopi similes obtinent facultates; responderunt, posse eos uti memoratis facultatibus, pro foro externo, tam in Matrimonio contractis, quam in contrahendis dispensando, in iis tamen locis, in quibus non existunt Ordinarii similibus facultatibus instructi, vel absent ultra duas Dietas, non minus ducentis millibus passuum, juxta id, quod itidem in Brevibus & Constitutionibus Apostolicis cautum reperitur.

Quarto, quo definiendum proponitur, num in iis casibus, in quibus possunt Missionarii dispensare in judiciali foro, hoc ipsis praestare licet sine prævia summaria informatione coram Notario & Vicario loci capta, ad comprobandum Dispensations causam & impedimenti qualitatē, vel potius sufficere dicenda sit verbalis & extrajudicialis informatio; responſum est, nihil esse innovandum; & quoniam superioribus temporibus sufficiens via est moralis certitudo tum causa dispensandi, tum obstantis impedimenti, quantumvis judicialibus documentis non innixa, fatus esse, ut eadem methodus in futurum quoque tempus retineatur.

Ad quintum denique Dubium, respiciens confirmationem Matrimoniorum, de qua queretur sub hypothesi eorum nullitatis, defumpta ex defectu facultatum in iis, qui Dispensations conceferunt ad ea Matrimonia ineunda; quoniam ex data superioris responſione ad primum dubium satis deprehendere licerit, hujusmodi positionem, seu hypothesim non subsistere, nullus relinquitur respondendi locus.

Hęc itaque sunt responsa data, seu resolutiones captae in Congregatione Reverendissimorum S. R. E. Cardinalium adversus hereticam pravitatem Generalium Inquisitorum habita coram Sanctissimo Domino Nostro BENEDICTO PP. XIV., quas Sanctitas Sua, prævio maturo examine, approbavit & confirmavit; volens eadem, ad ma-

jorem solemnitatem, Apostolicis literis in forma Brevis roborari; præcipiensque, ut, quoties causus confirmandi hujusmodi facultates obvenierit, impostorum confirmatio non concedatur, nisi premissa feria adnotatio temporis, que indultum antea concessum fuerat, ut ita deprehendatur, an constitutus in eo terminus sit elapsus, exindeque valeat hac super re opportune provideri: Ac denique injungens omnibus Ministris seu Officibus utriusque Secretarie, videlicet Brevium Secretorum, & Congregationis de Propaganda Fide, ut sive nova fiat concessio, sive confirmatio facultatum jampridem obtentatum indulgeatur Missionariis Societatis Iesu, tam concessio, quam confirmatio, ad normam eorum: quae præsenti Decreto exposita sunt, atque statuta, in omnibus & per omnia redigantur & conformentur.

Monumenta, quibus innixa sunt ea, quae in Jure Decreto SSMI D. N. BENEDICTI Papæ XIV. statuuntur.

(A) *In quocunque, seu quibusvis, non tamen in primo, Consanguinitatis vel Affinitatis gradibus: Ita legitur in Brevi San. Mem. Alexandri PP. VIII., quod incipit: Animarum scilicet: quod est 14. in ordine Tom. IX. novissimi Bullarii Romæ impressi §. 9. **

(B) *In primo gradu etiam rectæ lineaæ ex copula illicita resultantis: Haec sunt verba Brevis San. Mem. Clementis PP. XII., quod incipit: Cum dudum: & est 142. in ordine, Tom. XIV.*

* citati Bullarii §. 2.

(C) *Ut Matrimonium inter se contrahere, seu in eo etiam scienter contrafacto remanere valeant: Ita legitur in Brevibus Summorum Pontificum Alexandri VIII., Clementis XII., & aliorum.*

(D) *Præterea ejusdem Societatis Iesu Provincialibus, vel ab eis deputandis Presbyteris, cum Neophyti Provincialium uriusque India, aliarumque Maris Oceani Regionum, in quibus inter Infideles Fideles existunt, & non adjuti Ordinarii simili faciliatatem habentes, vel ultra duas dietas existunt, in quocunque, seu quibusvis, non tamen in primo, Consanguinitatis, vel Affinitatis gradibus, vel alias, conjunctis, seu se attinentibus, ut Matrimonium inter se contrahere, seu in eo etiam scienter contrafacto remanere valeant, in foro conscientia tantum, gratis tamen dispensandi; & insuper ibidem, locorum Ordinariis &c. etiam in judiciali foro: in reliquo Provinciis praefatis, Ordinariorum praefacta substitutis, vel ab eis ultra duas dietas praedictas, non minus ducentis millibus passuum remotis, Provincialibus & Deputatis Presbyteris praedictis cum ejusdem Neophyti, non tamen in primo gradu, in utroque foro, gratis dispensandi: Ita legitur in citato Brevi San. Mem. Alexandri VIII. §. 9. & in citato Brevi San. Mem. Clementis XII. §. 2.*

(E) *Cum ejusdem Neophyti in primo gradu, etiam rectæ lineaæ, Affinitatis ex copula illicita resultantis se attinentibus, ut Matrimonium quoque inter se contrahere, seu in eo etiam scienter contrafacto remanere similiter valeant, in occultis tamen, & in foro conscientia tantum, ac urgentibus justis causis, gratis tamen dispensandi: Sunt verba citati Brevi San. Mem. Clementis XII. §. pariter 2.*

(F) *Et insuper quia a nonnullis dubitatum, seu haſtitatum fuit, an omnes Indigenæ illarum Regionum oriundi & naturales, & Christianorum indigenarum etiam baptizatorum filii, etiam in eorum infantia baptizati, jure Neophyti appellari possint, idcirco tenore earumdem praesentium decernimus & declaramus, omnes oriundos seu naturales supradictarum omnium tam Orientalium, quam Occidentalium partium; imo etiamſi Aethiopes, Angulani,*

* In hac Editione Tom. VII. Conſ. VII. pag. 100. & seq.

* In hac Editione Tom. XV. Conſ. XLVIII. p. 3. & seq.

vel quarumvis aliarum transmarinarum regionum, etiam Christianorum filii, & in infancia baptizati, vel etiam inter se, vel cum Europeanis mixtum progeniti sint, ad concessionis hujusmodi effectum, esse & intelligi debet Neophytes. Quoniam etiam quia de mixtum progeniti, quos Mixtos vocant, magis dubium accepimus, cum eisdem mixtis, quos similiter ad hunc effectum Neophytes censendos esse decernimus, in gradibus & Matrimonii contractis & contrahendis praedictis, gratis tamen, dummodo non ita facile id fiat, dispensare posse; eisdemque Presbyteris facultatem desuper concedimus opportunam: Verba sunt citati Brevis San. Mem. Alexander VIII. §. 16., in quo etiam confirmatur similis alia praecedens Constitutio San. Mem. Clementis PP. IX. que incipit: *Animarum saluti*: expedita die 8. Januarii 1669.

(C) Proposito in generali Congregatione Cardinalium Generalium Inquisitorum habita feria IV. die 2. Junii 1618. sequenti dubio: *An appellatione Neophytorum Indi solum noviter conversi comprehendantur; an non etiam qui sunt originarii per omnes eorum lineas, qua pro una dumtaxat parte ab illis originem trahunt, vulgo Quarterones appellantur; & an comprehendantur, qui octavam partem per Proavum & Proaviam, & sive ab alterutro, sive ab utroque habeant, vulgo Pucuelles nuncupati*: Huic dubio responsum fuit: *Non comprehendendi Quarterones, multoque minus Pucuelles*: Hoc Congregationis Responsum confirmatum subinde fuit, instante Rege Catholicismo, una cum aliis Declarationibus, a San. Mem. Clemente PP. XI. in suis Apostolicis literis expeditis in forma Brevis die 29. Aprilis 1701. & iterum aliis literis Apostolicis in forma Brevis expeditis a Summo Pontifice BENEDICTO XIV. die 17. Julii 1748.

(H) Verba Brevium pro re, de qua nunc agitur, sunt comprehensiva omnium tam Orientalium, quam Occidentalium partium, & etiam Aethiopum, Angolanorum, & quarumvis aliarum transmarinarum Regionum: Id colligitur ex praecitatis verbis contentis in Brevi San. Mem. Alexandri VIII. §. 16.

(I) Verbum: *gratis*: reperitur in omnibus Apostolicis literis, & concessionibus ad hanc materiam spectantibus.

(K) Feria IV. die 3. Maii 1752. Lecto Memoriali, in quo Procurator Generalis Societatis Jesu postulabat renovationem facultatum extraordinarium in forma Brevis, que ab anno 1734. a San. Mem. Clemente XII. ad annos viginti pro Missionariis ejusdem Societatis prorogata fuerant, Ennientissimi ac Reverendissimi DD. Cardinales Generales Inquisidores dixerunt: *Pro gratia renovationis Brevis, dempta tamen clausula, si Sanctissimo Domino Nostro placuerit; & est, quae sequitur: Et insuper locorum Ordinariis, ut de Presbyterorum eorumdem, tamquam Adjutoriorum & Affessorum suorum, in locis praefatis, & ubi eorum comode haberi potuerit copia, coftilio, & cum illis, etiam in judiciali foro: Et Feria V. die 4. ejusdem mensis in consuetu Audience per R. P. Affessorem S. Officii a Sanctissimo Domino Nostro BENEDICTO Papa XIV. habita, Sanctitas Sua benigne annuit pro renovatione Brevis, dempta tamen clausula, ut supra. Hoc Decretum communicatum fuit per R. P. Affessorem S. Officii, R. P. Secretario Sacrae Congregationis de Propaganda Fide sub eadem die quinta Maii 1752.*

(L) *Dicitisque Ordinariis alias Presbyteros idoneos a se prius approbatos, in locis, ubi non adfint Missionarii similem facultatem habentes, quod premissa in sui locum subdelegandi, licentiam & facultatem auctoritate Apostolica tenore presentium concedimus & impertimus: Ita legitur in citato Brevi San. Mem. Clementis PP. XII. §. 2.*

(M) In Brevi Apostolico San. Mem. Pii IV. expedito die 15. Junii 1563, habentur haec verba: *In foro conscientie tantum perpetuo: Prorogatio ad annos viginti pro foro externo legitur tan in hoc, quam in aliis subsequentium Summorum Pontificum Brevibus.*

§. 2. Nunc autem cupientes, ut ea, que praeviously tam sedulo accuratoque examine, in praeferto Decreto definita, decisa, & constituta fuerunt, eo semper firmius subsistant, & serventur exactius, preinsertum Decretum singulaque in ea contenta, auctoritate Apostolica, tenore praesentium, confirmamus & approbamus, & quatenus opus esset, eadem illa ex integro, ac in omnibus & per omnia juxta praeferti Decreti seriem & tenorem, dicta Apostolica auctoritate, ac earumdem presentium literarum tenore, statuimus, decernimus, & ordinamus, illisque inviolabilis firmitatis robur adjicimus. Decernentes eadem praesentes literas semper firmas, validas & efficaces existere, fusque integros & plenarios effectus sortiri & obtainere, ac illis, ad quos spectat, & pro tempore spectabit, plenissime suffragari, ac respective ab iisdem observari debere; sicutque in praemissis per quoscumque Judices Ordinarios, & Delegatos, etiam Sanctae Romanae Ecclesiae Cardinalium Congregations, dictaque Apostolicae Sedis Nuntios, judicari & definiri debere, ac irritum & inane, si fecerit super his a quoquam quavis auctoritate scienter vel ignoranter contigerit attentari.

§. 3. Non obstantibus contrariis forsitan, etiam Apostolicis, seu in Synodalibus, aut Provincialis Conciliis editis Constitutionibus & Ordinationibus, seu per dictas Indianarum Regiones inventis usibus & consuetudinibus; privilegiis quoque, indultis, & literis Apostolicis, dictarum Regionum Ecclesiis, etiam Metropolitanis, earumque Praefulvis, seu cuiuslibet Ordinis, & Institutii, etiam praefatae Societatis Jesu, Missionibus, & Presbyteris Missionariis, in genere, aut in specie, etiam ad Regum, aliarumque sublimium Perfonarum instantiam, seti quorundamque meritorum intuitu, sub quacumque forma concessis, ac saepius confirmatis & innovatis. Quibus omnibus & singulis, illorum tenores praesentibus pro plene & sufficienter expressis, & ad verbum infertis habentes, illis alias in suo robe re permanentis, ad praemissorum effectum dumtaxat, specialiter & expresse derogamus, certisque contrariis quibuscumque.

§. 4. Volumus autem, ut earumdem praesentium literarum transtumptis seu exemplis, etiam impressis, manu alicuius Notarii publici subscriptis, & sigillo Perfonae in Ecclesiastica Dignitate constitute munitis, eadem prorsus fides in iudicio & extra adhibeat, que praesentibus ipsis adhiberetur, si forent exhibitae vel ostentae.

Datum Roma apud Sanctam Mariam Majorem sub Annulo Picatoris, die xxvii. Januarii MDCCCLVII. Pontificatus Nostri anno Decimo-fiftho.

Cajetanus Amatus.

Quibuscumque in contrarium non obstantibus.

Sumptorum fides.

Dat. 27. Januarii 1757.
Post. XVII.